

यूहन्नाकी टिवु यिकी सुम्बा

दी थेपकी कोर्ला

दी यूहन्नाकी टिवु यिकी सुम्बा ति चर्चला गोमा कितुप गायस सिरुप मीला “चर्चकी गेकेनकी” टिवु यिन। तीकी गायसला चिताड किवी, च्यिलासिसिन ती गायसकी स्त्रीष्टियानतिवाला दाल्जा किटे क्यानोक। तीकी डेमेत्रियस सिरुप मीकी तेन्दोकला लानी तिवाला च्याङ्से देता सिनी सिक्कानोक।

मुला राड बोटुप लोप्च्येनतिवा

- यिकीकी कोर्ला १-४
- गायसला चिताड क्यावु ५-८
- डियोत्रिफसला क्याेन बिन्दुप ९-१०
- डेमेत्रियसकी कोर्ला पङ्बु ११-१२
- सिन्दा क्यावु १३-१५

१ डे ड्रियङ्ज्येवु येशूला तेपा कितुप दाल्जा गायसला टसी देलेक! ड चर्चकी गोमा कितुप मी छ्येकी छ्योक नेसुर ख्युरुडला वुतुड के ड्रियङ्ज्ये क्यानी दी यिकी टिवु यिनो। २ दाल्जो, ख्योरो मिजीला तेपा रम्बु च्युङ्नी ख्युरुडला तेरी ताम्डेतिवा ल्यामु वुङ्शी, नाप्छाप काड साड मेङ्शी सिनी ड मोपोर कितिन। ३ माङ्शोक तेपा कितुप नुपतिवा डे ते वानी ख्योरो मिजी टेङ्बुकी कोर्ला पङ्बु बिन्सुड। तुक क्यानी डला छासे लोदिमु च्युङ्सुड। ४ डे ड्रियङ्ज्येवु आडातिवा टेङ्बु क्यानी युकिनोक सिरुप ताम्डे थोवु सिनाड मड गाकी लेन ति डे थोक्ला काड के वोतुप्जा?

कोन्छ्योककी तेन्दोकला लङ्गुप ताड मलाङ्गुप कोर्ला

५ डे ड्रियङ्ज्येवु दाल्जा, ख्योरो अच्युनुप ताड कोन्छ्योककी सुड ख्याप्टाक कितुप डो मेशेवु मी यम्बातिवाला साड शब्ज्यी क्यानी लाका खोड्तेर्मु क्यासुड। ६ तिवा वानी तेपा कितुपतिवाली पर्ला ख्योरो ड्रियङ्ज्ये क्यावु ताम्डेकी कोर्ला पङ्बु बिन्सुड। तुक क्यानी तिवा लोकनी वुङ्गुप पेला साड ख्योरो कोन्छ्योककी थोङ्दाडला तिवाला ल्यामो क्यानी दाल्जा किसा। ७ च्यिलासिसिन तिवा तेपा मिकिवु मीतिवी पर्ला येशूकी थोक्ला सुड

ख्याप्टाक कितुपला गलुप तप्की तेपा मिकिवु मीतिवा नेसुर काड साड मालाङ्नोक। ८ तुक क्यानी तुका मीतिवाला दाक्पी शब्ज्यी कि गोकिवी। तुक क्यासिन दाक्पु साड खोतिवी मुला राड टेङ्बुकी थोक्ला लाका क्यावु यिन।

९ डे ख्योरो चर्चकी तेपा कितुप मीतिवी थोक्ला ताम्डे चेयी टिनी तड्रियन, यिने ख्यिरा पर्ला छ्ये कितुप छोलुप डियोत्रिफसकी डे सिक्यावु ताम्डेला मेङ्येन्दिवी। १० ती तप्की ड वासिमा तीकी क्यावु लाकाकी कोर्ला ताम्डे कितिनो। च्यिलासिसिन तीकी ड्रियरा तेन्दोकला ताम्डे मेलोवा क्यानी युकिनोक। तोजो तिराड मिन, कोन्छ्योककी सुड ख्याप्टाक कितुपतिवाला साड गासो मुशुनोक, गासो शोप नो कितुपतिवाला साड ग्येकिनोक। तमा तिवाला चर्च नेमा तेन्नी तोङ्गिनोक।

११ डे ड्रियङ्ज्येवु नुपो, मेलोवा कितुप लुमु मासे, ल्यामु तिराड की। सी ल्यामु किवे, ती ति कोन्छ्योककी मी यिन। सी मेलोवा किवे, ती ति कोन्छ्योकला माथोङ्गुप मी यिन। १२ डेमेत्रियसकी थोक्ला याड मी तेरीकी पङ्बु ल्यामु बिन वे, ती ति तीकी टेङ्बु वोतुप मिजी ल्हानी साड हाक्कोकिवी। ड्रियराड साड तीकी थोक्ला पङ्बु तेरिन। ती ति ड्रियरा बिन्दुप पङ्बु टेङ्बु यिन सिनी ख्यिरा हाक्कोकिवी।

१३ ख्युरुडला डे टिक गोवु ताम्डेतिवा
याड बडी वे, यिने शु ताड ड्युक थ्वोनी
मिटिक। १४ यिने ड डमु राड ख्युरुडला
ठेतुपला वुङ्गुप नो वे, ख्युरुडला
ठेसिमा मुला राड देनी ताम्डे कितुप्नो।

१५ ख्युरुडला लोदिमु वुङ्शी! तेरी
दाल्जातिवा नेसुर ख्युरुडला टसी
देलेक वोतो। दाल्जातिवा रे ताड
रे तेरीला टसी देलेक वोतो सिनी
सिसा।

